

大唐開元禮



大唐開元禮



大唐開元禮卷第十三

吉禮

立春祀青帝於東郊有司攝事

齋戒 陳設 省牲器 奠玉帛 進熟

齋戒

前祀七日平明太尉誓百官於尙書省曰某月某日

祀青帝於東郊各揚其職不供其事國有常刑凡預

祀之官散齋四日致齋三日

散齋各於正寢致齋二日於本司一日於祀所

其無本司者皆於祀所

散齋理事如舊惟不弔喪問疾不作樂

不判署刑殺文書不行刑罰不預穢惡致齋惟祀事

得行其餘悉斷其祀官已齋而闕者通攝行事光祿

卿監取明水火

太官令取水於陰鑒取火於陽燧火以供爨水以實尊

前祀一

日諸衛令其屬未後一刻各以其方器服守衛壇門與太樂工人俱清齋一宿

陳設

前祀三日衛尉設祀官公卿以下次於東壇之外道南北向西上設陳饌幔於內壇東門之外道南北向前祀二日太樂令設宮懸之樂於壇南內壇之內東方西方磬簋起北鐘簋次之南方北方磬簋起西鐘簋次之設十二罇鐘於編懸之間各依辰位樹雷

鼓於北懸之內道之左右植建鼓於四隅置祝敵於

懸內

祝在左敵在右

設歌鐘歌磬於壇上近南北向磬簠在

西鐘簠在東其匏竹者立於壇下重行北向相對爲

首

凡懸皆展而編之

諸工人各位於懸後東方西方以北爲

上南方北方以西爲上右校埽除壇之內外郊社令

積柴於燎壇

其壇於神壇之左內壇之外

方一丈高一丈二尺開

上南出戶方六尺

前祀一日奉禮設祀官公卿位

於內壇東門之內道北執事位於道南每等異位俱

重行西面北上設望燎位當柴壇之北南向設御史

位於壇上正一

一作

位於東南隅西向副一

一作

位於西

南隅東向令史各陪其後於壇下設奉禮位於樂懸東北贊者二人在南差退俱西向又設奉禮贊者位於燎壇東北西面皆北上設協律郎位於壇上南陛之西東向設太樂令位於北懸之間當壇北向設祀官公卿以下門外位皆於東壝之外道南每等異位重行北面西上設牲膀於東壝之外當門西向配帝牲膀少退南上設廩犧令位於牲西南史陪其後俱北向設諸太祝位於牲東各當牲後祝史陪其後俱西向設太常卿省牲位於牲前近北南向設青帝酒尊於壇之上下太尊二著尊二犧尊二山罍二在壇

上於東南隅北向象尊二壺尊二山罍二在壇下皆
於南陛之東北向俱西上設配帝著尊二犧尊二象
尊二山罍二在壇上於青帝酒尊之東北向西上歲
星三辰句芒氏俱象尊二各設於神座之左皆右向

七宿壺尊二設於神座之右而左向

青帝配帝之尊置於拈星辰以

下之尊俱藉以席皆加勺幕設爵於尊下

設洗於壇南陛東南北向罍水

在洗東筐在洗西南肆

筐實以巾爵

設星辰以下罍洗筐

幕各於其方陛道之左俱內向執尊罍筐幕者各於
尊罍筐幕之後又設玉幣之筐於壇之上下尊拈之
所祀日未明五刻太史令郊社令升設青帝靈威

仰神座於壇上北方南向席以藁秸設帝太昊氏神座於東方西向席以莞設歲星三辰之座於壇之東北七宿之座於壇之西北各於壇下南向相對爲首設句芒氏之座於壇之東南西向席皆以莞設神位各於座首

省牲器

省牲之日午後十刻去壇二百步所諸衛之屬禁斷行人 晡後一刻諸行事之官各服常服郊社令帥府史二人及齋郎以尊坩罍洗筐幕入設於位 晡後二刻諸太祝與廩犧令出以牲就勝位謁者引太

常卿贊引引御史詣壇東陞升視滌濯於上

於視濯執尊者

皆舉冪告潔

訖引太常卿降復位謁者進太尉之左白請

就門外位謁者贊引各引祀官以下就門外位謁者
引太常卿就省牲位南向立廩犧令少前曰請省牲
退復位太常卿省牲廩犧令又前北面舉手曰臚還
本位諸太祝各循牲一匝西面舉手曰充俱還本位
諸太祝與廩犧令以次牽牲詣廚授太官令謁者引
光祿卿詣廚省鼎鑊申視濯漑謁者贊引各引祀官
就廚省饌具訖俱還齋所 祀日未明十刻太官令
帥宰人以鸞刀割牲祝史以豆取毛血各置於饌所

遂烹牲

奠玉帛

祀日未明三刻諸祀官各服其服郊社令良醢令各

帥其屬入實尊罍玉幣凡六尊之次太尊為上實以

尊次之實以盎齊象尊次之實以醴齊象尊次之實以

以沈齊山罍為下實以三酒配帝著尊為上實以

齊犧尊次之實以醴齊象尊次之實以盎齊其歲星

三辰句芒氏之象尊俱實以醴齊七宿之壺尊實以

沈齊玄酒各實於五齊之上尊太官令帥進饌者實

諸籩豆簋簠入設於內壝東門之外饌幔內未明

二刻奉禮帥贊者先入就位贊引引御史博士諸太

祝及令史祝史與執尊罍篚冪者入自東門當壇南

重行北面西上立定奉禮曰再拜贊者承傳凡奉禮有辭贊

者皆承傳

御史以下皆再拜訖執尊罍篚冪者各就位贊

引引御史諸太祝詣壇東陞升行埽除於上令史祝

史升行埽除於下訖各引就位未明一刻太樂令

帥工人二舞以次入就位文舞入陳於懸內武舞立

於懸南道西謁者引司空入行埽除訖復位初司空

入謁者引祀官贊引引執事者俱就壝外位司空埽

除訖謁者贊引各引祀官次入就位立定奉禮曰眾

官再拜眾官在位者皆再拜

其先拜者不拜

謁者進太尉之

左白有司謹具請行事退復位協律郎跪俛伏舉麾

凡取物者皆跪俛伏而取以興奠物則跪奠訖俛伏而後興

鼓祝奏角音乃以黃

鍾之均作文舞之舞樂舞六成偃麾戛敔樂止

凡樂皆協

律郎舉麾工鼓祝而後作偃麾戛敔而後止

奉禮曰眾官再拜眾官在位

者皆再拜上下諸祝俱取玉幣於篚各立於尊所謁

者引太尉詣南陛升壇北面立太祝加玉於幣東向

授太尉太尉受玉幣登歌作肅和之樂乃以大呂之

均謁者引太尉進北面跪奠於青帝靈威仰神座前

興謁者引太尉少退北向再拜訖謁者引太尉立於

西方東向又太祝奉幣北向授太尉太尉受幣謁者

引太尉進東面跪奠於帝太昊氏神座前興謁者引

太尉少退東向再拜訖登歌止謁者引太尉降自南
陛還本位初太尉奠配帝之幣星辰以下諸祝各以
幣進奠於神座前還尊所初眾官拜訖祝史各奉毛
血之豆立於門外於登歌止祝史奉毛血入各由其
陛升諸太祝迎取於壇上俱進奠於神座前諸太祝
與祝史退立於尊所

進熟

太尉既升奠玉幣太官令出帥進饌者奉饌陳於內
壝門外謁者引司徒出詣饌所司徒奉青帝之俎諸
太祝既奠毛血太官令引饌入俎初入門雍和之樂

作以黃鍾之均饌至陛樂止祝史俱進徹毛血之豆

降自東陛以出

青帝之饌升自南陛配帝之饌升自東陛

諸太祝迎引於

壇上各設於神座前

籩豆蓋冪先徹乃升簋簠既奠卻其蓋於下

設訖謁

者引司徒太官令帥進饌者俱降自東陛以出司徒

復位諸太祝各還尊所又進設星辰以下之饌相次

而畢謁者引太尉詣冪洗盥手洗匏爵訖謁者引太

尉升自南陛詣青帝酒尊所執尊者舉冪太尉酌汎

齊訖樂作謁者引太尉進青帝靈威仰神座前北面

跪奠爵興謁者引太尉少退北向立樂止太祝持版

進於神座之右東面跪讀祝文曰維某年歲次月朔

日子嗣天子臣某謹遣太尉封臣名敢昭告於青帝
靈威仰獻春伊始時維發生品物昭蘇式遵恆禮敬
以玉帛犧齊粢盛庶品肅恭燔祀暢茲和德帝太昊
氏配神作主尙饗訖興太尉再拜初讀祝文訖樂作
太祝進奠版於神座還尊所太尉拜訖樂止謁者引
太尉詣配帝酒尊所取爵於坫執尊者舉冪太尉酌
汎齊訖樂作謁者引太尉進帝太昊氏神座前東面
跪奠爵興謁者引太尉少退東向立樂止太祝持版
進於神座之左北面跪讀祝文曰維某年歲次月朔
日子開元神武皇帝臣某謹遣太尉封臣名敢昭告

於帝太昊氏爰始立春盛德在木用致燔燎於青帝
靈威仰惟帝布茲仁政功叶上玄謹以制幣犧齊粢
盛庶品備茲明薦作主配神尚饗訖興太尉再拜初
讀祝文訖樂作太祝進奠版於神座還尊所太尉再
拜訖樂止謁者引太尉進青帝神座前北向立太祝
各以爵酌鬯福酒合置一爵一太祝持爵進太尉之
右西向立太尉再拜受爵跪祭酒啐酒奠爵興太祝
各帥齋郎進俎太祝減神前胙肉加於俎以胙肉共
置一俎上太祝持俎西向授太尉太尉受以授齋郎
太尉跪取爵遂飲卒爵太祝進受爵復於坫太尉興

再拜謁者引太尉降復位文舞出鼓柷作舒和之樂
出訖夏啟樂止武舞入鼓柷作舒和之樂立定夏啟
樂止初太尉獻將畢謁者引太常卿詣壘洗手洗
匏爵訖謁者引太常卿自東陞升壇詣青帝著尊所
執尊者舉冪太常卿酌醴齊訖武舞作謁者引太常
卿進青帝靈威仰神座前北面跪奠爵興謁者引太
常卿少退北向再拜訖謁者引太常卿詣配帝犧尊
所取爵於坫執尊者舉冪太常卿酌醴齊訖謁者引
太常卿進帝太昊氏神座前東面跪奠爵興謁者引
太常卿少退東向再拜訖謁者引太常卿進青帝靈